


Ila'kwenawekewey ukjit ta'n provincialey mekenawemk



**Na'msit na nuta'q kijitun ukjit ta'n
mekenawemk**

1

Keskmna'q eliowen ta'n mekenawen, kijitutsk na ki'l
piskwakimuksinek ta'n ewikasultijik ta'n mekenawutite'wk ta'n
na tetpaqtek weskewa'sin.

Jiko'te'n ta'n ewikasik tan wejiaq elt ula ila'kwenawekewey.

Ki'l ktuwisunm seya'sik ula wi'katikniktuk, ki'l na tetapuwi piskwa'luksinek.

Ki'l na ma'wt kisi kijitutsk piskwakimuksinek online: www.electionsquebec.qc.ca/check.

**Mu ki'l piskwa'luksiwen kiswa ta'n tujiw piskwa'luksin ta'n na weskewa'si'tip,
piskwakite'n ta'n nasiwi'kusimk ukjit piskwa'n kiswa tetpaqa'tun ki'l
piskwa'n.**

Ki'l kis tl-lukwetsk:

- Online, weja'tikemk na tapu'kl lluiunek te'sikiskekl keskmna'q mekenawemkewey
na'kwek: www.electionsquebec.qc.ca/registration;

kiswa

- Mimajuinuiktuk, ta'n na weskewa'timk teluek ta'n na ewikasik ta'n ika'qip elt ula
m'wt ila'kwenawekewey. Ala'te'n kpitnk apoqnmuekewe'l wi'katiknn ta'n kirk
seya'toq ktuwisunm, weskwijinuwi'tip aqq ta'n weskewa'sin.

Ekina'muekl: kelu'k alayjumkwemkewey wi'katikn

*tajikeyimkewey apanketasit ila'sk aqq mattqte'kney
apanketmkewey*

*weskwijinuwmkewey wi'katikn aqq wasoqenemamkewey
apanketemkewey*

Ame'si piskwakitmn ki'l nasiwikasimkeweyem ? Kikmaq, malie'wioq kisna ta'n mimajuinu toqi wikioq kisi piskwakittew nasiwi'kusimk ukjit ki'l weja'tikemk na tapu'kl lluiunek te'sikiskekl keskmna'q mekenawemkewey na'kwek.

Mukk skmaw!

Mu ki'l pisiwen ta'n tetpaqtek weskewa'sin, ma kisi mknawowen ta'n tujiw Mekenawemkewey na'kwek.

Ukjit mknawen, ki'l miamujpa:

- Tewijeyn jel tlia Newtiska'q jel ukmuljin;
- Tle'yawin na Kana'ta;
- Tplutaqniktuk wikin Kepek ukjit jel tlia asukom newte'jkl;
- Mu entu'nkl ki'l mekenawemkeweyemkl tetpaqa'qewe'kikl.*

*Ta'n mimajuinu entoq nekemowk mekenawemkeweyeml tetpaqa'qewe'l na ta'n tujiw ilsumut ukjit na ewpla'tiket elukwat elukwat mekenawemkewey tel-lukwemk ta'n na jel tlia na'n te'sipunqwekl kisna ento'q ta'n tetpaqa'qek mekenawemkeweyek mita ta'n na ekinu'tmasimk.

2 Mkene'n ta'n te'sajiaq mawi wla'sik ukjit ki'l mknawen.

Mknawetsk na mekenawemkewey na'kwek

Ta'n na na'kwek, eykik na me' mekenawemkewe'k ketloqoe'k aqq me' mekenawemkewe'l etekl ukjit lukewan mekenawutite'wk.

Ta'n Mekenawemkewey na'kwek, ki'l mekenawemkeweyem etek na pantetek weja'tikemk 9:30 am we'kayiw 8 pm Ki'l elukowt miamujpa iknmultal ne'w pemukwaltultikl newtajiaql ukjit mekenawemk ula ta'n tele'k.

Nikani mknawemk

Ta'n na tapu'kl nikani mknawemkewe'l na'kwekl, msit mekenawemkewe'l etekl na mesnmkl ta'n ejelo'ltijik mimajuinu'k.

Mekenawemk ta'n na apaja'timk nuji-kla'qa'tiket etl-lukwet

Ki'l kisi mknawetsk ta'n na etl-lukwemk ta'n na aptkiteket nuji-kla'qa'tiket, ta'n pasik tamiaw Kepek. Ki'l na me' mknawetsk ukjit na mekenuksin ta'n ki'l wikin mekenawen tepkistek. Eskmamk na ula etl-lukwutimkl jiptuk me' naji pkwije'ktitew, elita'suwatk ta'n tel-lukwutijik nekemowk.

Jiko'te'n ta'n te'sukunikl aqq weskewita'mkl:

www.electionsquebec.qc.ca/vote-another-division

Ktikl mekenawemkewe'l etekl

Mekenawemk ta'n na kina'matnuo'kuo'm

Kijka' kji-espi-kina'matnuo'kuo'me'l kina'matnuo'kuo'ml (CEGEPs, kji-espi-kina'matnuo'kuo'ml, apji-kji-espi-kina'matnuo'kuo'ml) aqq kelusimk ekinu'tmuksin mekwaye'kuo'kuo'ml ala'toq ta'n mekenawemkuo'kuo'm. Ki'l na kisi mknawetsk na'te'l ukjit na naspit ta'n ki'l iapjiw wikin mekenawemkewey tepkistek.

Jiko'te'n ta'n tett aqq ta'nuk kisi we'wtsk ula etek: www.electionsquebec.qc.ca/campus.

Mekenawemk kwijmuk Kepek

Ki'l i'mn kwijmuk Kepek, jiptuk kisi mknawetsk mailiktuk. Ki'l miamujpa piskwakitmn na nasiwikasik keskmna'q kiswa ta'n na poqjiaq ta'n na mekenawemkewey ika'q.

www.electionsquebec.qc.ca/outside.

Mekenawemk na ta'n knekkewey utan kiswa etek

Mekenawemkewe'k nuji-kla'qa'taqetite'wk elta'jik ta'n piltu'tekl knekk etekl ukjit asite'tmulnin mknawen. Piltu'tek kelu'k enkasikl jiptuk na pqujiaqtital ukjit maliaptmn mekenawemk. Kisapsken ki'lewey apaja'sit nuji-kla'qa'tikete'w ukjit me' ewikasik.

3 Ki'l ksitun awtik: naji mknawe!

Ta'n mekenawen, apoqnmatmn mknan ta'n MNA (Nasiwikasit ta'n na National Mawpultijik) ukjit ki'l mekenawemkewey tepkistek.

Elkusuwasikl ukjit mekenawemk

1. **Nenasi ki'l** aqq seya'te'n newte'jk ula ta'n nenasi'k wi'katiknn:
 - Kepekewey alayjumkwemkewey ila'sk
 - Kepekewey tajikeyimkewey insurance-ey ila'sk
 - Kana' taey sapkimuksimkewey
 - Wi'katikn ukjit L'nuin
 - Kana'taewey Matnaqetimkewey nenuksimkewey ila'sk

2. **Wi'ke'n ki'l mekenawemkewey ktuwi'katikn** ewe'wmn ta'n pencil ta'n na mekenawemkewey nuji-kla'qa'tikete'w iknmaskl. Elte'n ta'n ewikasik ta'n na empsqa'wik kikjuk ta'n na wisuniktuk ta'n na naspit ki'l ta'n alsutmn.



3. **Mna'l ta'n naspit** wejiet ta'n ki'lewey mekenawemkewey ktuwi'katikn ma'wt elt malqujeta'sik eltaqtek.
4. **Ika'te'n ki'l mekenawemkewey ktuwi'katikn** ta'n na mekenawemkewey tetmunsagesik.

Ukjit mknawen, mu na ki'l nuta'qtnuk ala'tun ta'n ewikasikl wi'katiknn ki'l mesnmnn mailiktuk, nkutey nike' ewikasik ta'n piskwa'timk aqq ta'n mikuwimsk ila'sk. Katu elt, kisi jukwa'latsk ukjit apoqnmuan mekenawemkewe'k nuji-kla'qa'taqetite'wk.

Ukjit kjijitun ta'n wenik naspultijik ta'n ki'l mekenawemkeweyem tepkistek:

www.electionsquebec.qc.ca/candidates.

Mekenawemk na mesnk msit wen



Ta'n mekenawemkewey na'kwek, msit mekenawemkewe'l etekl na mesnmkl ukjit ejela'taqetite'wk mimajuinu'k, katu kijka' na mu. Ukjit kjijitun ki'l na mekenawemkewey etek welteskekl ki'l mesnmnn nuta'nl, lie ta'n www.electionsquebec.qc.ca/where-when.

Ki'l na mekenawemkewey etek mu mesnasiktnuk, kisapsken ki'l apaja'site'w nuji-kla'qa'tikete'wem ta'n na tlimultew ktik etek ta'n ki'l kisi mknawetsk.

Msit nikani mknawemkewe'l etekl na mesnmkl ukjit ejela'taqetite'wk mimajuinu'k.

Ta'n mekenawemkuo'kuo'ml etekl, ilapaqawemkewe'l na etekl ukjit apoqnmulnin mknawen, Wiaqiw na pencil elt ta'n naqmasapjimk ejintek, ta'n nepapikwa'mkewey mekenawemkewey ewikasik aqq ta'n wasoqek maqaptikemkewey. Mukk ngatkelsiw pipanikesin ta'n mekenawemkewe'k nuji-kla'qa'taqetite'wk ukjit nekemowk.

Ta'n tujiw nuta'n ewikasik klusuaqn kuwa'skaknutasikl tel-lukwekl, nikani kwilute'n wejiaq ta'n apatkitekete'w nuji-kla'qa'tikete'w.

Mu kisi aja'siwen mita tela'lsk mu tajikeyu'n?

Kisi kwiutsk na mknasin ta'n ki'l iapjiwewey kiswa ta'n na wikit ki'lewey ewikasit ankweyask. Ki'l ewikasit ankweyask kisi mknawetew newte' tele'k nkutey ki'l, lame'k piltu'tekl majulkwasikl. Ki'l ma'wt kisi kwiluttsk mknawen weskewa'sin kiswa tepkisaqesikemk ta'n tujiw na eymin maliamsimkuo'kuo'm, ksnukwaqnuo'kuo'm, milpinemk ankweyuksin wikin kiswa kepaqso'tikemk apoqnmuek. Ki'l miamujpa piskwakitmn ula nasiwikasik ta'n jel tlia tapu'kl lluknek te'sikiskekl keskmna'q mekenasimkewey na'kwek.

Mekenawemkewe'k nuji-kl'a'qa'taqetite'wk emittukwatemi'titl msit weskewita'mkl aqq iapjiw anko'tasimkuo'kuo'ml ma'wt elt kimtekl kisuku'k weskewita'jik. Mu mittukwatmi'tik ki'l eymin kisi piskwakittsk nasiwikasik tapu'kl lluknek te'sikiskekl keskmna'q mekenasimkewey na'kwek ukjit kisa'lan jukwita'new.

Suliewey aqq mekenawemk

Ta'n tujiw ala'tu'n na tetpaqa'qewey ukjit mekenawemk, kisi iknmuetutsk:

- **Weja'tikemk na kaskimtlnaqn ke'sk newtipunqwek** ukjit e'tasiw politicaley toqpultijik, asite'tasit newtukwa'lukwet nasi-wikasit aqq asite'tasit newtukwa'lukwet naspit;
- **Weja'tikemk ta'n na me' Kaskimtlnaqn** ta'n na msitewey mekenawemkewey newtipunqwek, ukjit na newtipunqwek mawa'sik na tapui-kaskimtlnaqn.

Ki'l mekenawemkeweyem na ma'wt kisi ala'tutew ketloqo we'tuwe'k ta'n na apanketasik ta'n na asite'tasit newtukwa'lukwet naspit kiswa politica'k toqpultijik ki'l apoqnmajik. Jiptuk na wksuwa'tutaq na apaji-apanketujik ta'n nekemowk mekenawemkeweyemuow telawtik. Ta'n politicaley toqpultijik jiptuk ma'wt wksuwa'tutaq na te'sipunqwek apanketuksin. Tlia, ki'l mekenmn kisi apoqnmattew ta'n mu asite'tasik newtukwa'lukwet naspit kiswa ta'n political'k toqpultijik saiwa'tu'tij politicaley tel-lukwuti'tij, tlia mu mknaj.

Ukjit ta'n tele'k na tetpaqtek, mekenawemkewe'l telawtultikl na tekle'jkl ukjit ta'n newte' te'sik ukjit msit naspultijik ta'n na newte' teltek mekenawemkewey tepkistek. Kaqiaq ta'n tujiw mekenawemk, naspultijik miamujpa ekinua'taqetijik msit nekemowk mekenawemkewe'l telawtultikl ta'n na apatkitasik ta'n na a'sisaptasiktite'wk ukjit kijitun majulkwasik elt political'l sulieweye'l majulkwatmkl. Ula majulkwatmkl apoqnmattew mnaqajewa'tun ta'n elukwutimkl ukjit naspultijik miawiaq ta'n mekenawemk.

Ki'l ketloqoe'y apoqnmuek ta'n ewikasik na provincial'l mekenawemkewe'l

Mekenawemk Kepek na ta'n newtukwa'lukwek, mu-toqtektuk kina'matnuo'kuo'm maliaptik ukjit kiskaja'toq provincial'l mekenawemkewe'l. Wesuwa'toql enkasikl ukjit kijitun ta'n mekite'taqn aqq elita'suwasikl ta'n mekenawemkewe'l. Msit elkusuwasiql ta'n na mekenawemk teltek na jiko'tasik aqq wesku'tasik ta'n metuwe'kl majulkwasikl, weja'tikemk na ekitmkl ta'n mekenasikl.

Miawiaq ta'n mekenawemk etek, ewpltek kisna mu tetpaqa'qtnuk ewikasik jiptuk pmiaqtite'w ta'n na msitewey wksitqamu. Ula ewikasik na ktmoqja'tultew ta'n mekenawen kisna ki'l telite'tmn ta'n mekenawen.

- Wksuwa'te'n ta'n ajiaq ukjit kijitun ta'n ketloqoe'l aqq apoqnmuekl ukjit ta'n ewikasik ki'l ta'n we'jitu'tip keskmna'q naskwa'tuwawjek wen pilewey.
- Mukk nqatkelsiw na pipanikesin ta'n ewikasik ukjit we'jitun na toqtek media, we'kayiw na ta'n tle'k mawi-klu'k kisna we'tuweywek.
- Sa'se'wa'te'n ki'l apoqnmuekl na ewikasik aqq siawi jiksite'n ta'n koqoe'y ekitmn kisna nutmn.
- Mikwite'te'n na kesnoqowe'y'e'l sma'tewimkewe'l ilapaqawemkewe'l mu na kaqisk eltuk teliaq aqq tetpaqtek ewikasik.

Ukjit elita'suatasik ewikasik ta'n provinciale'l mekenawemkewe'l, elita'suwa'tk na Mekenawemkewey Kepek, ta'n na ketloqoe'y apoqnmuek ta'n ewikasik. Mukk nqatkelsiw na kisapskeninen.

Mekenawutite'wk ta'n ekinu'tmasultijik

Jukwa'l elt knijink kulaman kisi mknawutitaq elt nekemowk!

Ki'l knijink kisi kinu'tmasultitaq na democracy ta'n na apje'jk mekenawemkuo'kuo'm ika'tasik ukjit nekemowk mekenawemkewey na'kwek aqq ta'n nikani mknawemkewe'l na'kwekl. Ewi'tmi'tij ta'n pipanimuksin na welitasik ukjit nekemowk democratice'l telawtutikl. Ula pipanimuksin na ewikasik wenjuiktuk



www.electionsquebec.qc.ca/en

1-888-ELECTION (1-888-353-2846)



electionsquebec